

# QVÆSTIO MEDICA.

CARDINALITIIS DISPUTATIONIBVS

MANE AGITANDA IN SCHOLIS MEDICORVM,

die Iovis VIII. Martij,

## M. ROBERTO LE SECQ.

DOCTORE MEDICO PARISIENSI,

MODERATORE.

*An crudum in pulmone tuberculum lethale?*



ORDIS par est cum vita necessitas, primum vivit, ultimum moritur, nec vnquam impunè læditur. Lædunt illud ( si continui solutionem, quam non patitur, exceperis ) externa , interna, spiritus, venena, intemperies quælibet, pus, cæco quodam naturæ instituto per vrinas, aut intestina expurgandum : omnia ferè intermedio pulmone , qui vnus respirationis ( quæ salvo animali minuitur, depravatur, nunquam, ne in apoplecticis, aut hysterics quidem, aboletur ) defectu, syncopen, aut palpitationem inducit, quæ rite mortis *crisides* nuncupaveris.

PRIMO calidus, humidus, spongiosus, à thorace solo mobilis, plurimis morborum causis patet, quas & in se fovet, & vicino cordi communicat. Per asperas, & læves arterias aërem haurit, vel intemperatum vel corruptum, humores quoque à capite, aut aliis partibus defluentes, à quibus peripneumoniæ, tussis, sanguinis sputa, phthises, vermes, lapides (à quibus nulla ferme pars immunis) cruda denique tubercula generantur.

TUBERCULA illa cruda ab omni humore, sanguine excepto, fiunt : senibus familiariora, periculosiora iuvenibus, hæc aliquando nullâ aliâ ratione cognoscas, quàm pulsus omnimodâ

*s. Questio Medica, An crudum in Pulmone tuberculum lethale?*  
 inæqualitate, & intermissione. Ægri pro sanis ambulant, non  
 decumbunt: non febricitant, non dolent, nullâ nisi sub mortem  
 anhelitus difficultateprehenduntur: per longioris temporis mo-  
 ram mortis suæ causas ineluctabiles incogitanter ferunt.

**M**ORBI pulmonis, excepto tuberculo crudo, curabiles  
 omnes. Quippe ex cognitione causæ, quæ signis perfici-  
 tur, & affectæ partis naturâ, pendet curatio, remedium aptâ  
 & facili inuentione procuranda. Intemperies est? contrariis, vt  
 morbi omnes, emendabitur: humor est aut lapis? anacatharsi  
 vacuabitur. Apagæ quæ dicuntur calculos imminuere. Vlcus est?  
 exsiccabitur lacte humano è mamma sucto, potius quàm capri-  
 no, aut asinino: saccharo rosaceo, aëre marino, alimentis optimi  
 & facili succi. Cancros, testudines, cochleas, ranas improbamus.

**A**T in tuberculo crudo quid faciat Medicus? qui nulli penè  
 quàm sibi prophylæticus est, magno humanæ salutis malo.  
 Quis enim Deorum manus nisi in dolore vocat? hîc nunquam,  
 nisi vbi humor concretus arteriarum parietibus adhærescit. Ex  
 difficultate anhelitus asthma esse conjiciet. Fluentem materiam  
 revellere, in parte collectam, attenuare, & expurgare, sed frustra,  
 conabitur. Non in asperis, sed lævibus arteriis tuberculum latet,  
 suppurare nequit, crudum est. Parum aut nihil proficiant at-  
 tenuantia, rescicantia, vsus vini tenuis multus, aromata, acetum  
 scilliticum, asellorum sub hydriis nascentium pulvis: Cor enim  
 in consensum trahit, tetro illud inficit vapore, aut ruptum hu-  
 more obruit: hinc frequens syncope, quam nulla frigida sana-  
 verit: hinc palpitatio, quam mors propinqua subsequitur.

*Ergo crudum in Pulmone tuberculum lethale.*

Proponcbat Lutetiæ IOANNES BERAULT,  
 Parisiensis, Anno R. S. H. M. DC. XVIII.

PARISIIS,

Prostant Exemplaria apud NICOLAVM BOISSET, Typographum,  
 in Platea Malbertina, ad insigne D. Stephani. 1647.

*cette thèse est auvri des le conseil 1-2-3-4-5 des  
 thèses de la faculté tome III in th. 577.*